

peccauere meae? quod" dixit "crimen in illis?
exilio poenam potius gens impia pendat
uel nece uel si quid medium est mortisque fugaeque.
idque quid esse potest, nisi uersae poena figurae?"
dum dubitat quo mutet eos, ad cornua uultum 235
flexit et admonita est haec illis posse relinqu;
grandiaque in toruos transformat membra iuuencos.

'Sunt tamen obscenae Venerem Propoetides ausae
esse negare deam; pro quo sua numinis ira
corpora cum forma primae uulgasse feruntur; 240
utque pudor cessit sanguisque induruit oris,
in rigidum paruo silicem discrimine uersae.

'Quas quia Pygmalion aeuum per crimen agentes
uiderat, offensus uitiis quae plurima menti
femineae natura dedit, sine coniuge caelebs 245
uiuebat thalamique diu consorte carebat.
interea niueum mira feliciter arte
sculpsit ebur formamque dedit, qua femina nasci
nulla potest, operisque sui concepit amorem.
uirginis est uerae facies, quam uiuere credas
et, si non obstet reuerentia, uelle moueri;
ars adeo latet arte sua. miratur et haurit
pectore Pygmalion simulati corporis ignes.
saepe manus operi temptantes admouet, an sit
corpus an illud ebur, nec adhuc ebur esse fatetur, 255

231-55 MNSU BFLPT

232 ex illo *M(N^{ac})* 239 quo *M^{2c}* v *χ*: qua Ω (quis *M^{ac}?*)
numinis ira, sc. propter numinis iram 240 forma] fama *χ* (*coni.*
Burman), fort. recte 241-3 *U³*, cf. 212-19 *supra* 241 sanguis
MU³ 243 (a)euum *S B^{ac}F^cP^e*: neuum *U³ Σ*: aequus *M*: *uersas N^c*
crimen agentes φ *B^vF^cP^e*: crimina gentis Ω (*unde* crimen agentis
Ehwald) 250 uer(a)e *N Σ*: uere *MU B^{2c}*

[oscula dat reddique putat loquiturque tenetque]
sed credit tactis digitos insidere membris
et metuit pressos ueniat ne liuor in artus.
et modo blanditias adhibet, modo grata puellis
munera fert illi, conchas teretesque lapislos 260
et paruas uolucres et flores mille colorum
liliaque pictasque pilas et ab arbore lapsas
Heliadum lacrimas. ornat quoque uestibus artus;
dat digitis gemmas, dat longa monilia collo,
aure leues bacae, redimicula pectore pendent. 265
cuncta decent; nec nuda minus formosa uidetur.
conlocat hanc stratis concha Sidonide tinctis
appellatque tori sociam acclinataque colla
mollibus in plumis tamquam sensura reponit.

'Festa dies Veneris tota celeberrima Cypro 270
uenerat, et pandis inductae cornibus aurum
concederant ictae niuea ceruice iuuencae,
turaque fumabant, cum munere functus ad aras
constitit et timide "si, di, dare cuncta potestis,
sit coniunx, opto", non ausus "eburnea uirgo" 275
dicere Pygmalion "similis mea" dixit "eburnae."
sensit, ut ipsa suis aderat Venus aurea festis,
uota quid illa uelint et, amici numinis omen,
flamma ter accensa est apicemque per aera duxit.
ut rediit, simulacra suae petit ille puellae 280
incumbensque toro dedit oscula; uisa tepere est.
admouet os iterum, manibus quoque pectora temptat;
temptatum mollescit ebur positoque rigore

256-83 MNSU BFLPT

256 *seclusi* 257 sed *scripsi*: et Ω 262 liliaque *US LPT*: l. et
N F: lilia per *M B* 271 pandis *χ* (*com. Gronouius*): bl- Ω

subsedit digitis ceditque, ut Hymettia sole
cera remollescit tractataque pollice multas
flectitur in facies ipsoque fit utilis usu.
dum stupet et dubie gaudet fallique ueretur,
rursus amans rursusque manu sua uota retractat.
corpus erat; saliunt temptatae pollice uenae.
tum uero Paphius plenissima concipit heros
uerba quibus Veneri grates agit, oraue tandem
ore suo non falsa premit; dataque oscula uirgo
sensit et erubuit, timidumque ad lumina lumen
attollens pariter cum caelo uidit amantem.
coniugio, quod fecit, adest dea, iamque coactis
cornibus in plenum nouiens lunaribus orbem
illa Paphon genuit,²⁸⁵ de qua tenet insula nomen.

'Editus hac ille est, qui si sine prole fuisset,
inter felices Cinyras potuisset haberi.
dira canam; procul hinc, natae, procul este, parentes!
aut, mea si uestras mulcebunt carmina mentes,
desit in hac mihi parte fides, nec credite factum,
uel, si credetis, facti quoque credite poemam.
si tamen admissum sinit hoc natura uideri,
gentibus Ismariis et nostro gratulor orbi,
gratulor huic terrae, quod abest regionibus illis
quae tantum genuere nefas. sit diues amomo,
cinnamaque costumque suum sudataque ligno
tura ferat floresque alios Panchaia tellus,
dum ferat et murram; tanti noua non fuit arbor.

310

284-310 MNSU BFLPT

²⁸⁵ tractataque pollice multas *M^{ac}* φ: tractaque p. m. *M^{ac}N^{ac}S*:
multas que (=quae) p. tracta Ω (multasque a *U^{ac}*) ²⁸⁷ dubie
M F^{3v}: medio Ω (pariter *B^v*) ²⁹¹ agit Δ: -at Σ, fort. recte
²⁹⁷ qua *M(N^{ac})*: quo Ω (de *S n. l.*) ³⁰¹ aut *BP*: at Δ *FLT*
³⁰² nec] ne *N^{ac}S BFLT* ³⁰⁵ om. *MN^{ac}S^{ac}*, del. *Schrader*, haud
scio an recte ³⁰⁹ panchaica *N^{ac}U(-iaca)* *B^{ac}LPT*

285

ipse negat nocuisse tibi sua tela Cupido,
Myrrha, facesque suas a crimine uindicat isto;
stipite te Stygio tumidisque adflauit echidnis
e tribus una soror. scelus est odisse parentem;
hic amor est odio maius scelus.

290

'Vndique lecti
te cupiunt proceres, totoque oriente iuuentus
ad thalami certamen adest. ex omnibus unum
elige, Myrrha, uirum—dum ne sit in omnibus unus.
illa quidem sentit foedoque repugnat amori,
et secum "quo mente feror? quid molior?" inquit ³¹⁵
"di, precor, et pietas sacrataque iura parentum,
hoc prohibete nefas scelerique resistite nostro,
si tamen hoc scelus est. sed enim damnare negatur
hanc Venerem pietas, coeuntque animalia nullo
cetera dilectu, nec habetur turpe iuuenciae ³²⁵
ferre patrem tergo; fit equo sua filia coniunx,
quasque creauit init pecudes caper, ipsaque, cuius
semine concepta est, ex illo concipit ales.
felices quibus ista licent! humana malignas

295

cura dedit leges, et quod natura remittit ³³⁰
inuida iura negant. gentes tamen esse feruntur,
in quibus et nato genetrix et nata parenti
iungitur, ut pietas geminato crescat amore.
me miseram, quod non nasci mihi contigit illic
fortunaque loci laedor! quid in ista reuoluor?

399

305

311-35 MNSU BFLPT

³¹⁵ amor] mos *MS* odioque minus *MS^{ac}* ³¹⁶ iuuenta *M*
³¹⁸ uirum] tibi *N^v* ne sit] nescit *M F* unum *M^c* ³²³⁻⁴ sed . . .
pietas om. *N^{ac}*, add. *N^v* ³²³ negatur] negaret *M^{ac}*: uidetur d:
putatur (coeunt 324) *Shackleton Bailey 1981* fort. nec enim d. uidetur?
³²⁴ coeunt *U B* ³²⁵ dilectu *M*: dilecto *P*: delicto Ω: an delectu?
³²⁸ illa *F^{ac}LT* ³³³ ut . . . crescat *MN^{ac}*: et . . . -it Ω, fort. recte